

Polasaí maidir le Caomhnú Leanaí i gColáiste Daibhéid

Glacann an Bord Bainistíochta leis go bhfuil fíorthábhacht le caomhnú leanaí agus leas leanaí maidir le gach gné de shaol na scoile agus nach mór sin a bheith le sonrú ar pholasaithe, modhanna oibre agus beartaíocht uile na scoile. Dá réir sin, ag teacht lena n-éilítear faoi 'Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile' na Roinne Oideachais agus Scileanna, tá an polasaí seo a leanas maidir le caomhnú leanaí aontaithe ag Bord Bainistíochta Choláiste Daibhéid:

1. Tá glactha ag an mBord Bainistíochta le 'Nósanna Imeachta maidir le Caomhnú Leanaí i mBunscoileanna agus i Scoileanna Iarbhunscoile' na Roinne agus déanfar a gcur i bhfeidhm go hiomlán, gan athrú gan leasú, mar chuid den pholasáí ginearálta maidir le caomhnú leanaí.
2. An Duine Idirchaidrimh Ainmnithe (DIA): _Tadhg Ó Laighin (PríomhOide)
3. An Leas-Dhuine Idirchaidrimh Ainmnithe (Leas-DIA): Pól Ó Síodhcháin (Leas-PhríomhOide)
4. I ndáil le polasaithe, modhanna oibre agus beartaíocht de chuid Choláiste Daibhéid, cloífead leis na prionsabail seo a leanas den dea-chleachtas maidir le caomhnú leanaí agus leas leanaí: Déanfaidh an scoil
 - glacadh leis go bhfuil fíorthábhacht le caomhnú leanaí agus leas leanaí, gan bheann ar aon cheist eile;
 - comhoibriú go hiomlán leis na húdaráis chúí faoin reachtaíocht maidir le caomhnú leanaí agus cúrsaí leasa leanaí
 - gnásanna sábháilte a ghlacadh chuici féin d'fhonn an dóigh go dtarlódh dochar nó tionóisc do leanbh a mhaolú oiread agus is féidir agus an lucht oibre a chosaint ó chall dul i mbaol nach gá a bhféadfadh gurb é toradh a bheadh air go gcuirfí drochúsáid nó faillí ina leith;
 - gnás ionracais a thabhairt chun cinn le tuismitheoirí agus iad a spreagadh a bheith rannpháirteach in oideachas a gcuid leanaí; agus
 - meas iomlán a léiriú ar riachtanais rúndachta agus í ag déileáil le cúrsaí caomhnaithe leanaí

Cloífidh an scoil leis na prionsabail thuas freisin i ndáil le haon dalta fásta lena mbaineann soghontacht speisialta.

5. Tagairt go sonrach do pholasaithe, do chleachtais agus do ghníomhaíochtaí de chuid na scoile a meastar go mbaineann siad go mór le caomhnú leanaí

An Cód Iompair: Tá Cód Iompair chuimsitheach i bhfeidhm sa scoil chun iompair mí-oiriúnach aithint agus chun deiléail leis, ina theannta sin tá cur síos ar ról na bpáirtithe éagsúla. Déanfar athbhreithniú ar seo go rialta.

An Polasaí in aghaidh na Bulaíochta: Tá polasaí i bhfeidhm agus usáidte i gcásanna áirithe thar na blianta. Cuid lárnach den bpolsaí ná, tríd na ranganna OSSP agus OSPS ach cinn eile chomh maith, an topaic a phlé agus na daltaí a ullmhú chun é a aithint, chun deiléail leis más iad atá ag fulaingt nó má thugann siad faoi ndeara duine eile ag fulaingt. Tá ath-bhreithniú ar siúlfaoi láthair. Tá roinnt múinteoirí tar éis freastail ar inseirbhís. Bíonn seachtain na trí C'anna i mí na Samhna.

An Straitéis Tinrimh Daltaí: Tá straitéis ann chun daoine a mhealladh ar scoil agus córas tinrimh chun faire amach do dhaltaí le tinreamh neamhrialta. De bharr é seo tá ráta láithreachais an-shlántúil sa scoil. Tá curaclam leasaithe i bhfeidhm do roinnt daltaí.

Maoirseacht ar Dhaltaí: Tá córas cuimsitheach i gColáiste Daibhéid mar is léir ó Lamhleabhar Fóirne na Scoile. Caithfidh tuismitheoir nó chaomhnóir dalta a shíniú amach má ta dalta ag imeacht ón scoil go luath.

Gníomhaíochtaí Spóirt/Turais Scoile: Tá treoir do mhúinteoirí leagtha síos sa lámhleabhar má théann daltaí chuig cluiche srl agus córas chun an t-eolas ó thaobh daltaí atá imithe a thabhairt do mhúinteoirí eile. Sa chás go bhfuil turas scoile caithfidh cead sa bhreis a bheith faighte ó thuismitheoirí mar aon le h-uimhir teangbhála i gcásanna éigeandála

Socrúcháin oibre daltaí in iarbhunscoileanna: C.f. Leabhrán na hIdirbhliana

Tá sé cinntithe ag an mBord go bhfuil na polasaithe, prótacail nó cleachtais, de réir mar is cuí, curtha i bhfeidhm i ndáil le gach ceann de na rudaí thuasluaite.

6. Cuireadh an polasaí seo ar fáil d'fhoireann na scoile agus do Chumann na dTuismitheoirí tá sé ar fáil go héasca ag tuismitheoirí ach a iarraidh. Cuirfear cóip den pholasaí seo ar fáil don Roinn agus don phátrún sa chás go n-iarrtar é.

7. Déanfaidh an Bord Bainistíochta an polasaí seo a thabhairt faoi athbhreithniú uair in aghaidh na scoilbhliana.

Ghlac an Bord Bainistíochta leis an bpolasaí seo ar an 8/11/12

1. Síniú: __Cllr J Corr__ Cathaoirleach an Bhoird Bainistíochta
2. Síniú: __T Ó Laighin__ Príomh-Oide

Athbhreithniú déanta ar an Mean Fomhair2014

Dáta an chéad athbhreithniú eile: __Méan Fomhair 2015__